

義冒祭文曰。中華民國十有三年十月二十二日。門人朱義冒。謹衣深衣。免冠經帶。奉清酌時饌之饌。稽首頓首。哭祭於吾師閩侯林先生之靈曰。於呼。生而有死。孰逃厥常。名德矧在。百祀孔章。達矣夫子。肉骸遺忘。耄歸大齊。固一彭殤。吾所勵者。斯文欲喪。存曰在愚。任重寧當。明命皇皇。終世以將。維吾弱冠。載識氏名。鑑衡說稗。振誦獨傾。函丈靡接。希光流煢。越紀丁虎。避地上京。祈品輯文。蒙題而驚。歎鳳祥麟。屣倒相迎。交授編紵。風義淵淳。爲語宿貧。容慨英英。吾未肯俛。平視韓柳。謂我狂簡。緝謹其口。偶說檀弓。遂屈吾首。飲醇醪。醪。北面虛受。己未講習。親炙導誘。踰月弗十。錄語栝縮。夫子賦之。云亡舛駿。楚聞閩語。奚灼若燭。情親日懋。傳鉢思篤。每侍畫幀。不暨下學。雪立酸股。夫子嶽嶽。闕謁閒旬。同研來告。夫子癡閉。問鑒東郊。驅車赴視。雨滂風颳。吾覲滋憂。夫子陶陶。丁寧慰我。勿以忼忼。敢曰寶松。嘗餌損要。日惟奔省。十里非迢。兩月瘡復。壬戌初秋。劬勞勸節。夫子諾休。著書誨人。藝以優遊。堅豈金石。積瘁鑿錄。盡性內外。況必誠周。曩余病疵。百日相憊。慰必無死。數齋以賜。誰飲則絕。信無妄求。知弟惟師。恩深孰儔。今春飢驅。吾歸武昌。謂不欲行。生離與愴。寓書一覲。疾人胥盲。兆啓驗動。竟害庸醫。昌陽亟薦。鼠困莫措。幾危卻診。迺決易之。暈絕而蘇。命子遺辭。託梓之策。我疑北馳。趨視榻側。畫掌彌時。曰幾弗見。吾懷悽其。病容慈穆。猶咨邦危。撫肌聽息。累日罔異。家人與婦。幸其必治。忽轉於險。丹藥罔施。於呼勸哉。春夢師逝。碩健自負。援言鄉老。卒介上壽。魂夢依依。以譬白甫。今果弗祥。歷月未久。於呼勸哉。人生百稔。幻如黃粱。夫子誠達。吾悲其倉。知心永訣。三年心喪。於呼勸哉。秋空天高。明靈何方。百越多難。九衢弗康。神或有知。式格羞漿。哀哉尙饗。

以上錄祭文都二首。

陳衍聖先生五言古詩四十韻曰。人事如轉燭。交君五十年。長我才四齡。奄忽竟我先。君去長已矣。我心鬱煩冤。論文常訾我。自昔荷斷斷。反以報君施。寸意徒拳拳。君始學駢儷。記醜紛編爛。旣而騁論議。忼慨經世編。旣而五七言。擊鉢鏗騷壇。後皆舍之去。專攻散體文。久之乃自命。梓湖柏枧閒。祕鑰鈴昌黎。闕抑不使宣。我進以樸學。君謂道已分。我更以哲學。君謂非道原。桐城有師法。吞吐出半山。七王三歐陽。儻然一丘樊。清氣在乾坤。本來得之難。往往偶得之。根柢薄且單。晚清衆喙鳴。古籍窮研鑽。文人工相輕。詆謔遂極端。君言王元美。晚祭歸震川。鉅子雖庸妄。終推繼歐韓。一篇思子亭。悲來嘔心肝。緒餘作以弱。弇州未知言。猥褻至寒花。義法豈所聞。嗟君勇原作自信。畢生敵精神。益以裨官流。競原作詫域外觀。魏室諸弟昆。好君夙世緣。脫稿印千本。不脛走市廛。六法撫四王。何羅版具陳。三絕重廣文通靈。原作幾和玄。不官而不稼。歲入數千緡。如何廩室廬。區區酬辛勤。此外持左券。尤無原作十萬緡。頭銜宋旣庭。自嘲一原作儒酸。猶復效顧怪。梁髯髯其攀。男兒女子子。小者六七人。尙費布與錢。未畢嫁與婚。中有好紙筆。枚舉最象賢。感此罷歎息。大招告精魂。它時老梅崖。喜得高樹然。歲有遺詩續集卷二。初稿與吳善。悉注本句下。

宋小濂挽詩曰。久聞畏廬名。未識畏廬面。甲寅來京華。爾我方得見。握手共恨晚。相親兩情見。故知遇他鄉。似有前世券。從此訂心交。過從時繾綣。初在文字閒。擊節互賞歎。繼則進道義。差過恆規勸。已乃契心情。理怡與冰渙。以此誼彌篤。天真隨爛熳。吾鄉三傑士。成徐吾亦算。君皆結納之。往往見辭翰。良會必見招。家庖具精膳。同坐半耆英。康強皆善飯。君本蓄道德。文章尤精悍。餘事畫書詩。同時三絕擅。名滿天地閒。委巷甘

貧賤。卻懷忠愛誠。草莽故君戀。九次謁崇陵。衝寒不覺倦。峻嶒骨力堅。日日起清旦。災疹不能侵。靈臺常自煥。誰意今夏來。眼瞼肉微顫。小疾亦尋常。何關心腹患。庸醫藥誤投。鬱久乃生變。引病入膏肓。和緩力難轉。日前我往探。神明尚未亂。豈信遽彌留。一朝魂已斷。生平事可書。國史合列傳。文苑與儒林。忠義亦何遜。庶幾示將來。以爲世道擇。君應慰九原。我仍抱餘恨。一老胡不遺。晨夕觀摩便。憶昔當炎天。年年贈畫扇。晚學立馬圖。寫照運神腕。壽序及園記。亦皆勞筆硯。刊入文集中。留與世人看。附驥名益彰。余生復何羨。有時一展觀。撫卷爲悽惋。噫。噫。噫。噫。哀哉。潸然淚如綫。

夏敬觀挽詩曰。閩士嚴與林。等以著述老。林書極談諧。嚴書太玄草。嚴死林更蛻。天喪連城寶。豈似尋常人。攷去跡如掃。我聞林翁病。來去一瓶鳥。去去還復來。倚枕書了了。書言六七兒。日午飯當飽。循牆幸不壓。脫身跳如蚤。爾時中陰身。突起示之兆。莊周逍遙遊。生豈校彭夭。哭周非知周。周病焉用禱。寓言八九耳。不死乃至道。世稱志夷堅。見翁一鱗爪。敬觀字劍承。一字映光。江西新建人。清光緒甲午舉人。官至江蘇提學使。人民國官浙江教育廳長。

陳聲暨挽詩曰。我性本嫉俗。有聲寄之詩。詩成常請益。丈爲動須眉。張目畢怒罵。解頤事諧談。聖人有微言。炳若三辰垂。創爲白話辭。燭火爭光輝。螺贏負螟螣。繆種方孳滋。衛道百夫防。廓如關以詞。我口所欲言。丈皆殫述之。氣盛言自宜。享年卜期頤。畫師自古壽。煙雲養天倪。精華尤葆裔。省察常克治。本是無病人。藥物焉用茲。參苓生壅塞。肢體道憊疲。進言急疏導。若藥此其時。病中強作畫。云以分諸兒。絕筆焦山圖。梁髯寄懷思。署爲後死友。墨瀋尙淋漓。豈知三日隔。禁方乏上池。臨終猶一面。形容驚支離。古文不滅亡。呼兒示諸

斯。彼哉胡蔡輩。蜉蝣空爾爲。

劉鼎和挽詩曰。去年壽公詩。尙製裝潢紙。今年挽公詞。丈帛買不起。念公復念世。言又何能已。祇合書寸箋。虔奉焚玉几。長者知古儀。不以貨財禮。

義甯於先生既歿之年除日。往南郊龍泉寺。北奠先生厝櫬。詩曰。一年斯日盡。辭歲舊禮俗。往者常趨拜。登

堂盛鼎餼。今年及此日。師乃辟百穀。棄我百十日。呼扳冥耳目。荒郊寺寂冷。足音慰空谷。師乎知也未。展拜

申恭肅。戶啓白幔垂。不敢爇帛燭。心喪何時已。疑師猶在屋。屢躑躅繞古木。言去弗舉足。死別亦人常。獨使結

中曲。嗚咽淚不墮。酸慟塞胸腹。以上錄五言古詩都六首

卓孝復挽詩曰。惘惘出門去。煙蕪入望平。西風今日汨。落葉故人情。未畢生前願。終償海內名。交期泉路盡。

一念一回驚。其一壽吾何所達。所幸及篇文。自注。余生日在八月。先於三月燭黃。君作序文壽余。語極真切。時君尙未病也。數見翻無語。沈思每有君。卅年

多可否。一瞑謝紛紜。嗟彼哀鳴雁。猶如悵失羣。其二

郭則澐挽詩曰。王城三十載。賃廡戀舳舻。自注。丈嘗十謁崇陵。寒日攀龍馭。孤雲謝鶴微。晚修天所假。潛德古無稱。舊

價慙題品。因君轉自矜。自注。丈贈詩有文章有價聯三後之句。○其一補柳風流在。傷哉失此翁。畫名追礪上。洒淚並江東。自注。謂有援東。

子百城表。自注。公子宰畿輔。有惠政。論文一代雄。講帷來大鳥。落木動悲風。其二起鳳才無忝。傷麟世既衰。英靈千古歸。貞

介九重知。自注。丈嘗得御書貞不絕俗之褒。烽火秦川淚。荃蓀楚澤辭。殘燈詩背讀。迸恨入秋悲。其三猶憶春燈宴。華堂夜未央。

煙雲閒供養。風月小平章。此事嗟誰屬。餘生黯自傷。城南游禊地。駐馬幾迴腸。其四。○以上錄五言律詩。都六首。

三多挽詩曰窮藏人海著虞初。恆念西湖說與余。

自注王寅夏君爲余畫時跋語有每見都尉恆念西湖也。

山水價超驢背畫。煙霞疾謝鶴

頭書。梁廬賦樹身俱老。

自注生時居梁文忠種樹廬有詩。

林社尋梅景已疏。多少胸中不平事。崇陵屢哭可能除。

成多祿挽詩曰奇畫新書徧九州。清名亮節自千秋。何來地棘天荆恨。惹起宮禾闕黍愁。垂死不忘游俠傳。

他生合作守陵侯。去年病榻君親我。黃葉西風正滿樓。一雷劍衝霄鬱不飛。一生奇怪顧兼歸。壯心未已年

偏暮。吾舌猶存道豈非。大烏常前尊伯起。仙禽憤世化丁威。編年竟負先生約。三復遺文淚滿衣。其二

王君秀挽詩曰身後尊榮禮亦宜。布衣姓字九重知。他年有傳歸文苑。並世無人號畫師。門下倘循私溢例。

僕中猶賸謁陵詩。哭翁不盡滄桑感。今日長安尚弈棋。

王君秀字及里居未詳。以上錄七言律詩都四首。

孫雄挽詩曰去年叔節委埃塵。林叟今秋作古人。留得殘編同不朽。慎宜軒集畏廬文。一九謁崇陵宿殿旁。

惟將忠孝答穹蒼。可憐守戶多飢色。拜罷揮毫黯自傷。二宰相門前未上書。一篇原道衆邪祛。自注郭匏庵宮保亥既集有讀

畏廬致某書札云。退之八代以良手。雖在終推原道篇。

廢經禍釀唐藩鎮。

自注君集中與唐書曰。胡羅曾左彭李諸公。手握兵柄。分據要

害。未有一人敢潛不臣之心。如唐之藩鎮者。正以人人皆通經耳。

日月江

河論聚如三。直非絕俗荷天褒。跪送絲綸喜欲號。三復鈍翁御書記。文如駿馬下蘭皋。

自注君平汪榮家御書閣記云。一氣呵成。如快馬

下坂。直達曉曉。君集御書記云。臣經一介寒儒。不列仕版。乃荷御書。良不絕俗四字。誠賜臣家。跪迎門次。哭至失聲。似較榮榮爲榮。其四

史閣先成第一圖。

自注君於戊申秋間。爲余作詩史閣第一圖。傳神阿

堵勝倪迂。撫松更用麀瓢法。

自注已酉四月。用黃蘗瓢法。爲余寫撫孤松而盤相小軸。

謾謾清風隱者徒。五

不刪歷劫是文章。李杜韓歐許

頤頤鉅手起。衰今賸幾南推陳。自注毀馬。通伯。北柯。鳳孫。王。自注。管卿。

又曰畏廬謫逝余既作七絕六首哭之。殊覺意有未盡。因於枕上追憶往事。復成四首。畏廬以譯著小說。名

重海內外余此四詩所紀述均近小說家言。然悉係實事。不敢欺我死友也。詩曰：行文悽惋善言情。萬本流

傳。筆精奇絕。實震湖畔事。垣人下里冷紅生。其喂鷹飼虎豈人師。妙論匡生足解頤。廿載學風千丈落。當

年夢得有微詞。自注：君爲京師文科大學教習時，總監督劉幼雲同年。每謂君待學生過於嚴密，不意爲時本及此中，學校之風尚屬寬，向之病於苛者，今且病其過於嚴峻矣。○其二：莫庠都講共橫經。

日齒肥甘爲汗青。自笑客期勤臥饋。呼牛諧笑憶忘形。自注：君大學授課後，每至監督室休息片時，呢呢語，又自授課過於勞神，因以滋養品爲酬報，不意天下事有用力於此，而收效於彼者，五十以後，連舉數雄，皆牛乳牛肉汁之力也。○其三：之曰：如君言，恐諸公子皆其頑武如牛矣。君曰：凡人必有野蠻之體魄，而後有文明之精神。君即呼我爲牛，我亦應之。○其四：案側惟餘書十種。

自注：君自言少時博覽羣書，五十以後，案頭但有詩禮二疏左傳史記南華及漢書韓歐之文，此外則說文廣雅法言，君笑曰：此等書籍，無論兒童不能讀，亦無所用，不如及吾身而置之。免爲身後所打鼓。○其五：詞賦上不得，也。其雖達如此。

輒持贈。無限江山坐臥看。其四。陳保棠挽詩曰：旅食京華三十年。布衣名動九重天。謁陵時屑攀髯涕。炎武傷心豈偶然。其一。輞川書趣本兼

詩。窮日丹青老不知。涉筆俳諧眞面目。還他顛怪與歸奇。其二。飾生諛死亦游嬉。三百虞初等視之。不與時人

共生活。洛陽紙貴孰瑕疵。其三。宣南過我問流民。圖是先生夢裏人。尺一功寧輸馬蹄。千金濱海許分津。其四。談

邊感舊觸幽悲。十笏分金畀卹慈。義取無傷能義與。劉父強援亦何嗤。其五。及此花黃蟹正肥。追陪例憶羽觴

飛。秋風一夕成商調。淒絕占星隕少微。其六。

女弟子楊令弗有詩曰：至性文章光日月。高山景行溯韶年。自注：音未列門牆時，讀長慶文集孝女耐兒傳及冰雪因緣諸書，其至性感人處，每爲泣下不自禁。

百回空立程門雪。自注：弗謂師每不得見，春間是師有句云：春風不許吹桃李。踏雪空教立百回。

膾有心喪向墓田。其一。泰山稊米供游戲。自注：弗製頤和園模型，師善收簡云：汝置稊米

邱山、極紅。義恕吟箋案校讎。重檢殘翰。感知遇吉光片羽。更難求。其應悔移家上苑西。重來壇坫隔雲泥。自

摩之遊戲。自六月間。移居頤和園。從此與師永訣。霜風落葉秋山道。絕壁何從覓舊題。自注。去年秋。師筆語弟云。予至西山絕壁。山僧告予。有女學生束髮長裾。以鉛筆錄予題壁舊句。予知必爾也。○其三。

守陵遺老啼飢色。自注。見師九調漢陵記事。頭白監官泣黍離。自注。師頤和園宮詞中。有幾人。一様淒涼悲勝國。語成請益。菜色語前朝。師曰。此其得吾心。

失吾師。自注。近製宮詞百絕。成。而師逝。世未及呈政也。○其四。古今上下幾人同。萬卷遺編一代宗。誰更鐵肩担道義。哭師正爲哭文風。

其五。○按楊令弟詩注。多先生言。宜全存之。○楊令弟祥林氏弟子表。○以上所錄七言絕句。都二十一首。

徐世昌挽詞曰。畫必題詩多寓意。老爲都講是傳人。

陳寶琛挽詞曰。由俠人儒。晚節獨能師顧絳。因文見道。諸家原不廢虞初。

周樹模挽詞曰。流涕讀禮宮之文。孰是丹心如顧怪。拈毫爲泊園作記。惟將墨跡實倪迂。

郭曾忻挽詞曰。林社屢補梅。懸知驂鶴歸真。故鄉無此湖山好。梁髻久宿草。爲想拜鵲垂涕。世人但賞瓊琚辭。

姚華挽詞曰。善教有遺思。歷七十載精勤。弟子應聞身歎鳳。成書好歸去。比五千言玄眇。文章及見道猶龍。

姚華字茫父。貴州貴筑人。工書能畫。善詞詩駢體文。

朱益藩挽詩曰。詩畫動楓宸。藝苑祇今重昭法。歲時攜麥飯。橋山不復見亭林。

左紹佐挽詞曰。力挽狂瀾。闢邪說。放淫辭。原道文章韓吏部。心存故國。發幽情。摠蓄念。謁陵跡近顧峴山。

萬繩栻挽詞曰。溺志事稗官。非列非莊。在著作林中。獨標一幟。傷心逢莠世。不夷不惠。於隱逸傳內。僅見斯

人。萬繩試字公雨，江西南昌人。

黃侃挽詞曰：小說與文章關鍵相通，著書滿家，博雅直過洪野處。匹夫以天下興亡爲責，謁陵九次，忠貞可肖顧亭林。

沈宗畸挽詞曰：醴泉飲鳳凰，折心賴有綱常熱。白日接魍魎，愛國寧寬地下憂。自注：集農諫詩句。○沈宗畸字太侔，父字孝耕，廣東番禺人，著有農風閣叢書。

王式通挽詞曰：幽宿意新，不以瑣言軼荒渺。風微人往，姑從縣解說逍遙。

趙爾巽挽詞曰：大文維世道，在野有孤臣。

卓孝復挽詞曰：鄭譯潤筆，李邕鸞文。銷磨幾許臣精，直到蓋棺纔放手。廣野非狂，安國少戇。閱歷半生世故，老來閉戶轉平情。

李兆珍挽詞曰：既以學著，復以畫名。兼擅所長，人世重。惟其性同，故其情洽。自今以後，我形單。

何振岱挽詞曰：匝地秋聲，魂魄終依陵樹碧。參天石色，畫圖晚及雁山青。

郭則澐挽詞曰：入社早從陶靖節，謁陵晚見顧亭林。

吳士鑑挽詞曰：獨抱精誠悲望帝，卽論藻翰許傳人。吳士鑑字綱齋，浙江杭縣人。

林灝深林步隨林器瞻挽詞曰：鶴馭何之，剩有才名追左海。龍髯未遠，料應魂魄戀西陵。林器瞻字貢瑞，福建閩侯人。

唐肯挽詞曰：來往菊花天，平生不負陶三徑。聲名圖畫史，身後猶留顧一廚。

溫肅挽詞曰。肋後一錢林。古度身前三絕鄭。臺州。

力鈞挽詞曰。忠孝性成。顧亭林。謁陵痛哭。傳青主。却聘嘯歌。軒冕等泥塗。國史合增高士傳。聰明天賦。朱梅崖。古文名家。王麓臺。畫筆神品。煙霞足供養。天公厚待讀書人。

董元亮挽詞曰。安貧守分際。末流固已難。能崇節義。植綱常。浩氣互長空。共信斯人原不死。善畫工文。在先生。猶屬餘事。闢邪說。扶正學。狂瀾回既倒。庶幾吾道賴重光。

成多祿挽詞曰。北斗黯星辰。天也何心奪吾老友。西陵哭風雨。魂兮未遠。痛爾孤臣。

徐維霖挽詞曰。俠氣無前。平生風義兼師友。大文不死。萬古雲霄一羽毛。

宋小濂挽詞曰。十載訂心交。始聲聞。繼風義。終性情。比年來晨夕言歡。皓首相期。崇令德。千秋傳盛業。蓄道德能文章。工詩畫。今日者人琴俱往。黃泉何處閤元音。

翁鳴瑄挽詞曰。有分作遺民。看年來著述。劫後丹青半。是山河殘局淚。每見無莊語。憶談鬼龍潭。尋僧獨石。不勝風雨故人情。

周貞亮挽詞曰。綜生平絕藝可傳。豈徒大節追梁叟。論當代古文不滅。合有佳兒繼異之。

周貞亮字子幹。一字退舟。湖北漢陽人。

著自其日學要一卷。自錄學一卷。文選學二卷。

秦樹聲挽詞曰。三絕斷縑招楚些。五噫孤緒撼虞初。

王樹枬挽詞曰。傷哉知己。倏爲古人。一夢竟成長夜恨。藏之名山。以待後世。千年原有不亡存。

寶熙挽詞曰：畫筆譯材，遊戲三昧，瑰意琦行，謨儼九泉。

周登嶠挽詞曰：奇氣發文章，詞本名山，平日長嘯石在，暮齡餘涕淚，瓣香寒舍，明年卻少一人來。周登嶠字

建水人。

羅朝漢挽詞曰：著作等身高，自有文章傳後世，交情真知己，那堪風雨哭斯人。

黃懋謙挽詞曰：冊載丈人行，問疾來過坐榻，爲言家裏事，明年元夜會，應詩又屆，畫燈誰助壁間輝。黃懋謙字默園，建水人。

建水人。

傅增湘挽詞曰：等身著作，處初志得意，丹青雅蕩圖。

陳敬第挽詞曰：謗與大名俱，一代高文尊北斗，沒猶遺教在，卅年舊事說西泠。陳敬第浙江人。

劉廷琛挽詞曰：早歲以文名，游藝猶儕王石谷，乙科爲世重，謁陵私擬顧峴山。

林福熙挽詞曰：遷固大文章，陶鑄人才師道廣，巢由高氣節，葆存天爵後昆賢。

涂鳳書挽詞曰：詩宗王始，史采虞初，著作早爲文苑重，少慕郭未，老師顧絳，生平豈以畫名傳。

沈曙慶挽詞曰：登科不媿孝廉鄭，老還兼三絕畫，蓄念無忘忠愛，韓公本以匹夫師。

蕭方駿挽詞曰：舉世重清名，讀君文在前，識君面已滄桑後，一朝起廢疾，願我方有法，恨我身無造化權。蕭方駿爲先生疾，萬曆時延華鑒，又曰：湛深經術，寄託文章，祇說部談諧，已成痛哭傷心史，虎耕丹青發摯忠憤，悵筆花零落墮。

有清貧賣畫錢。論方駿字龍友，四川三台人。

孫維挽詞曰。孤寂冷紅生。逋峭柳州擅文筆。恩榮飛白記。艱貞箕子荷天褒。又曰。師嚴道乃尊。論著辨姦。飼虎諸奴應魄死。自注。集中與蔡鶴卿唐蔚芝書。均有益於人心世道。先生謂今之泰爲人師。事事曲徇其弟子意者。乃喂鷹飼虎之齷僕耳。豈人師哉。斯文天未喪。言能壽世。獲麟絕筆。尚如生。又曰。養字有靈。能以苦心培植。樸離塵是福。不教老眼看刀兵。

魏易挽詞曰。是今高士。是古逸民。以文壇宿將。作學界導師。溯從遙譯新書。曾向名山分片席。不忘舊君。不

慕榮利。經滄海變遷。澆園陵涕泗。得此流傳。惇史。豈惟藝苑式遺型。魏易字中叔。一字春叔。又字聰叔。浙江仁和人。

丁慕韓挽詞曰。其人若仙。惟靈素大素足比。遞世无悶。在伯夷希夷之間。丁慕韓福建人。

林振先挽詞曰。是名孝廉。力追古之人。幾度謁陵學。炎武眞外史。氏縱談天下事。白篇志怪續齊諧。

沈成鵠挽詞曰。爲諸弟名師。前輩讀書知有數。是先君諍友。孤兒剪紙想生平。

江天鐸挽詞曰。風標合擬林和靖。身世差同鄭所南。

鄭掄挽詞曰。辭辟謁陵。與傅青主顧亭林相頡頏。模範留後人。應有定評在月旦。恤貧念舊。比朱公叔劉孝

標更崖岸。針砭對澆俗。儘多高義迫雲霄。鄭掄福建人。

何啓椿挽詞曰。祖元珍機杼一家。豈與衆人同生活。鄭廣文才名三絕。且饒餘事作丹青。何啓椿字壽芬。福建閩侯人。

祝椿年挽詞曰。民國清遺老。今代古文家。祝椿年字隆庭。京兆宛平人。

鄭權挽詞曰。一生行誼性情。皆有獨至。豈廬文詩書畫。盡足以傳。鄭權字及里。居未詳。

張大椿挽詞曰。文似梅崖。詞似樊榭。小說似留仙。老去風流。猶有鄭虔三絕。官比竹垞。節比亭林。長齡比惜

抱。秋來搖落。如聞宋玉九歌。張大椿
浙江人。

王立承挽詞曰。是畫家是詩家。是文家。閩嶠數英才。一代風流傷老輩。爲豪士。爲名士。爲逸士。春明編掌故。

千秋壇坵屬斯人。王立承
四川人。

金紹城挽詞曰。居城市若山林。迂翁娛畫。鏤辭章於金石。虞氏著書。金紹城字紫北。
浙江紹興人。

毓廉挽詞曰。停車宿涑水。醉寫梅花。十年道範常親愛。我直同胞弟。冒雪謁崇陵。跪澆柏樹。一旦忠魂不返。

小臣應見先星。

項致中挽詞曰。漢經師。晉高士。志行在夷惠之間。清不絕俗。畫摩詰。書世南。性情得湖山之逸。歿猶爲仙。項致中
字里未詳。

張大猷張大綸挽詞曰。何處不傷心。如許殘山時繞筆。頻年徒食力。空留野史更無亭。大猷字雲爵。大綸字
未詳。並福建閩侯人。

唐澗波挽詞曰。墨瀋徧人閒。自是古文名家。亦偶爾寄意畫禪。寓言稗乘。布衣終牖下。究爲血性男子。更有

誰魂招杜宇。淚灑冬青。唐澗波字及
里居未詳。

許崇鑑挽詞曰。公眞天下第一流。吾戚梁文忠之言。可爲定論。世傳譯著逾百種。近代俞曲老而外。無與比

倫。許崇鑑字學白。
廣東番禺人。

劉映奎挽詞曰。窮愁方著書。至竟名山成大業。文士不治產。須知頗簞盡奇珍。劉映奎。幅
建江洲人。

關棠挽詞曰。望重經師。昔日提撕猶在念。俗輕國學。而今扶翼更何人。關棠見林
氏弟子表。

林師望挽詞曰。匹夫傲王公。不淫不移不屈。守我初衷。終能濁世自清。何媿遜翁遺老。大隱在朝市。詩家文家畫家。本其餘緒。以此盛名相餉。尙爲皮相先生。

鄧宗淦挽詞曰。梁格莊前九度謁陵留士氣。越上臺畔五更禱疾報親恩。鄧宗淦字里未詳。

聽花挽詞曰。韓柳文章垂百世。夷齊風度足千秋。聽花日本國人。

陳望雲挽詞曰。名成著述家。世增書畫價。尙留熱心綱常。八度謁陵戀舊主。不棄貧賤交。力爭文字種。何止囊傾濟賑。千秋仗義說先生。

齊璜挽詞曰。著述文章替人而鳴。才華高出一輩。丹青詩句爲世所重。苦心流傳千秋。

侯毅挽詞曰。咫尺邈山河。太息廿年慳一面。遐邇識名字。卽論六法亦千秋。侯毅字子毅一字廷始。江蘇無錫人。

羅忠文挽詞曰。矢志効孤忠。清代孝廉君特出。等身富著述。閩中名上世師資。羅忠文字里未詳。

黃節挽詞曰。盧仝韓愈不在世。漢門安期相與遊。黃節字晦聞。廣東順德人。著有詩。廣樓詩。

陳祖烈挽詞曰。自成一家言。瀛海異書歸著述。更饒不朽業。山川奇氣赴丹青。陳祖烈字里未詳。

林楷劉冰挽詞曰。願望久從名筆著。清流到底布衣終。楷劉冰字林里未詳。

趙從輯挽詞曰。林和靖生作杭寓公。垂老尙餘詩筆健。陶淵明死稱晉徵士。後凋猶有菊松存。趙從輯字星垣。江西南豐人。

李泰榮挽詞曰。節操生平不二。文藝當代無雙。李泰榮字卓凝。直隸陽源人。著有中國史綱。

翁敬棠挽詞曰。効忠無分生平世。食力何妨作畫師。

鄭祖整挽詞曰。館向橫流弔逸老。但論餘事亦人師。鄭祖字里未詳

陳煥章挽詞曰。高文允已流傳。吾道大光萬載千秋三不朽。講席素蒙肩任。與人爲善。私情公誼共難忘。

施肇基挽詞曰。沒世以孝廉。昭法祇今餘畫稿。及門多賢達。文中猶待訂遺書。施肇基字植之。浙江某縣人。

王尙曾挽詞曰。與伯兄痛論時難。空望太平花務觀。已枯雙眼淚。爲遺老力持風節。瞻懷冬青樹。森山應斷

九迴腸。王尙曾字里未詳

林錫光挽詞曰。易箴無私言。但以文章誦諸子。蓋棺有定論。咸推書畫是專家。林錫光字及里居未詳

謝折勛挽詞曰。堦戶獨能全晚節。謁陵今又失遺臣。

孔敦大學諸生挽詞曰。函丈聞文章。性道一年教澤繁。懷思力疾。誨人無倦色。夏五授魏其武安列傳。音容

垂永久。畢生講學最終時。

黃溶挽詞曰。狂簡愧當年。兩函並爲談藝發。丹青成絕筆。一燈翻賴賸詩傳。

邵章挽詞曰。佳處戀湖山。此身那墮交盧影。寓言寄詩畫。晚歲更參黃蘗禪。

金梁挽詞曰。唯天能鑑孤忠。貞不絕俗。斯文萬無亡日。痛哉遺言。金梁字林氏弟子表

沈觀冕挽詞曰。學行樹人倫。相期海內同聲。私與易名著貞節。簡書廁戎幕。太息寢門未逮。莫聆屬續詔。冰

淵。沈觀冕字林氏弟子表

張國淦挽詞曰。文章從季世起衰。四百家中魏冰叔。心事爲前朝茹痛。十三陵畔顧亭林。

甘大文挽詞曰。粹學宗夏峯。實海人師推第一。高文繼永叔。名山盛業足千秋。甘大文詳林氏弟子表

林長民挽詞曰。早歲及門。曾受史遷昌黎之文。算是平生得力處。隨時展畫。有傲石谷鹿牀諸作。從今遺墨

觸懷多。林長民詳林氏弟子表

繆承金挽詞曰。十餘年親炙門牆。薪盡火傳。每溯師承。嗟絕學。五色筆文章書畫。名高謗重。好留史乘。著公

評。繆承金詳林氏弟子表

李宣威李宜倬李宜璋李宜鉞挽詞曰。與先子結卅年刎頸摯交。此去倘相逢。話舊談心應視昔。唯吾師紹

八代起衰盛業。斯文原本喪。呼兒書掌亦奚勞。李宣威諸人並詳林氏弟子表

高獅漢郭步瀛挽詞曰。言可傳。行足法。絳帳高懸。一代儒宗光勝國。當今世喪斯文。素車共挽。三千弟子哭

先生。高獅漢郭步瀛並詳林氏弟子表

王之棟挽詞曰。溯從游太學。共跂人師。倫理本常談。祇經善誘循循。妙緒紛披聽不倦。悵遠阻京華。猶親手

澤。衰秋來飄耗。自愧浮生碌碌。高山失仰。憾何窮。王之棟詳林氏弟子表

劉元騏挽詞曰。遺文獨有千秋。滿腔忠孝襲三集。謁陵凡經九度。當代衣冠第一流。劉元騏字及里居未詳

陳宗蕃挽詞曰。愛國愛君。愛子愛親。更愛朋友門生。天下望高風。忽爾秦山其頽。吾將安仰。工詩工詞。工書

工畫。尤工古文小說。萬篇皆餘事。諒此多能天縱。誰當繼之。陳宗蕃詳林氏弟子表

郭餘慶挽詞曰。是一代文豪。當年問字龍潭。如仰斗山韓吏部。爲八閩師表。此日駟車燕市。每傷巾帶郭林

宗。黃餘慶見林氏弟子表

劉盟訓挽詞曰。教澤感人深。猶記督學中州。愛惜身名曾命我。文章關世變。試讀籲天諸錄。發揮道義足傳

公。劉盟訓詳林氏弟子表

李壯飛挽詞曰。奇氣入稗官。秀氣入畫史。正氣入書家。博學更多能。道繼聖人慚一體。早歲爲游俠。壯歲爲

名儒。晚歲爲隱逸。修名長不朽。心喪弟子痛三年。李壯飛詳林氏弟子表

李宣偶挽詞曰。平生好游俠。餘事擅稗官。李宣偶詳林氏弟子表

義青挽詞序曰。吾師生平自強不息。今春忽夢其歸道山矣。哭之慟而覺。咽鳴中。溯憶夢寐挽詞。得二言。竟

未忘一字。明日書以告。乃發長牋。自謂日益健碩。無死徵也。曰。吾之憂切魂夢。猶杜甫之于李白。未嘗以爲

不祥。今則竟爲不祥矣。慟哉慟哉。詞曰。師逝誰知己。文傳古大人。義青常聞先生曰。生平敢自信者。唯文而已。其沖虛之量。誰復逮之。

林瑜挽詞曰。賤子受卵翼數十年。若責報恩真無地。病榻侍湯藥將百日。終焉長逝。狂呼天。林瑜。先生姪也。

女弟子顧孫誦周挽詞曰。一卷寫茶花。自是好詞均絕妙。九原見吾祖。爲言感舊已成圖。孫誦周詳林氏弟子表

女弟子施秉端挽詞曰。作弱附饒堂。若論六法傳燈。畫本敢忘師石谷。淒涼陳絮酒。最感隆情焚券。練裙差

免困京華。施秉端詳林氏弟子表

朱桂挽詞曰。當日敢謂事人以忠。盡分感恩酬國士。自古得逢知己無憾。檢書灑淚哭先生。朱桂京兆大興人。先生僕也。○以上

錄挽詞。都百有五首。